

SCRIPT OF MORNING GOJRI NEWS BULLETIN 30SEP 1015 HRS

ما رنینگ گو جری نیو ز بلیٹن مو رخہ 30 ستمبر 2025

یوہ آکا شوانی جمون ہے محبوب سُلطانی تیں خبر سُنو۔

LG URBAN INFRA

لیفٹیننٹ گورنر منوج سنہا نے پائیداد شہری بُنیادی ٹانچہ تے سمارٹ ٹیکنالوجی گا ملا ور زور پاتا مانہہ کیو جے اس سنگ رہن گے قابل تے متحرک شہراں گی تعمیر مانہہ مدد لبے گی تے ماحولیاتی دقتا سنگ نمڑن مانہہ سہولت حاصل وے گی ایل جی منوج سنہا نے اس گل گو اظہار پچھلے تہاڑے ہاؤسنگ تے شہری ترقیات محکمہ ایچ یو ڈی جمون غی طرفوں منعقدہ سیوا پرو تقریب سنگ خطاب غے دوران کیو مہارا آکاشوانی جمون گا نمائندہ غے مطابق اس موقع ور ایل جی موصوف نے امرت 2 عشریہ 79 کروڑ گی مالیت آلا 60 منصوباں گو نی پتھر وی رکھیو ہے اس دوران اجتماع سنگ خطاب کرتا واں جناب منوج سنہا نے کھر کوٹھاں تے شہری ترقیاتی محکمہ تے جمون میونسپل کارپوریشن غی طرفوں شمولیتی ترقی نانہہ فروغ دین تے شہریاں واسطے بُنیادی تانطہ تے خدمات نانہہ بہتر بنان گی کوششاں ناہہ سراہیو اُنہاں نے کہیو جے مہاری پائیداد شہری منصوبہ بندی تے زمینی سطح ور اس گا نفاذ مستقبل گا شہراں واسطے اک بہتر رستو ہے۔

LG GOC TIGER DIV

انفینٹری ڈویژن گا کمانڈنگ بارے جنرل آفسر میجر جنرل مکیش بنوال نے 26 لیفٹیننٹ گورنر منوج سنہا سنگ ملاقات کرگے اُنہاں نے آپریشن راحت غے تحت سیلاب توں متاثرہ علاقاں مانہہ بھارتی فوج گی طرفوں ریلیف تے بحالی گی کوششاں بارے دسیو ہے ایل جی موصوف نے بھارتی فوج گی طرفوں ہالیہ قدرتی آفات غے دوران قیمتی جان بچان تے متاثرہ لوکاں نانہہ انسانی ہمدردی ور مدد مہیا کران ور سہراہیو ہے۔

LG CONG DELEGATION

جموں کشمیر پردیش کانگریس کمیٹی گا شنئیر رہنما گا اک وفد نے اپنا کارگزار صدر تے سابق وزیر رمن بلا غی صدر مانہ لیفٹیننٹ گورنر منوج سنہا سنگ ملاقات کی بے اس دوران وفد غا ممبراں نے ہالیہ قدرتی آفات توں متاثری خاندان تے کساناں گی بکھ بکھ فلاح مسایل ور گل بات کی اس دوران اُنہاں نے مرکزی حکومت توں ریلیف بحالی تعمیرات تے بازآباد کاری پیکیج فراہم کرن گی درکواست ور مشتمل اک یاداشت پیش کی۔ اُنہاں نے مزید مطالبو رکھتا مانہ پھسی پین تے زمین کھسکن توں متاثرہ علاقاں گا دورہ واسطے اعلیٰ سطحی ماہرین غی ٹیم بنان بارے وی کیو ایل جی موصوف نے یقین دوايو جے تمام مسائل نانہ ترجیحی بنیاداں ور تاواں حل کیو جے گو۔

CM DEV PROJECTS

وزیر اعلیٰ عمر عبداللہ نے پچھلے تہاڑے ضلع گاندربل گا اپنا دورہ غے دوران 36 عشاریہ 50 کروڑ روپیہ گی مالیت گا اک درجن توں متا ترقیاتی پروجیکٹاں گو نی پتھر رکھیو تے افتتاح کیو بے اس دوران اُنہاں نے اپنی حکومت گی طرفوں کھیڈ بجلی گا شعبہ مانہ بنیادی ٹانچاں نانہ مضبوط کرتے ضلع مانہ سڑک رابطہ نانہ بہتر کرن گا عزم نانہ دہرایو بے اک بڑا اجتماع سنگ خطاب کرتا واں وزیر اعلیٰ نے کہیو بے جے یہ منصوباں لوکاں ور کوئی احسان نہیں بلکہ انگا پھروسہ تے حمایت گا شکریہ غا طور ور بیں اُنہاں نے 2019 مانہ ہوا بدلاؤ توں بعد سیاسی تے انتظامی دقتاں ور وی لوکھلی تے اُنہاں نے یقین دواتا مانہ کہی و جے ان گ حکومت تمام رُکاوٹاں غا باوجود ترقیاتی کماں نانہ پورو کرن واسطے پُر عزم ہے۔

NAVRATRI SMVD YATRA

شری ماتا ویشنو دیوی گی مقدس مزار غی یاترا پُرامن طور ور جاری ہے تے نوا ترا گا پہلا 7 تہاڑاں اندر 1 لکھ 25 ہزار توں متا عقیدت منداں نے اُت حاضری دتیہے

شری ماتا ویشنو دیوی شرائین بورڈ غا عہدیداراں نے دسیو ہے جے اتارگی رات تک تقریباً 1 لکھ 25 ہزار 6 سو 45 عقیدت منداں نے درشن واسطے اندراج کرایو ہے۔ اس ضمن مانہ عقیدت مند مزبئی گیتاں گی گونج گے بشکار کٹڑا پُج ریا ہیں جہڑی شری ماتا ویشنو دیوی گا عقیدت منداں واسطے بُنیادی کیمپ وی ہے۔

DC SAMBA ADD RAILWAY LINE

ضلع انتظامیہ سانہ نے پچھلے تہاڑے ڈپٹی کمشنر سانہ آیوشی سودن گی صدرات مانہ اک اہم شراکت داری اجلاس منعقد کیو جس گو مقصد جموں توں پٹھانکوٹ کینٹ جلندر کینٹ گا بشکار نوی تجویز کردہ تیجی ریلوے مانہ اس پروجیکٹ گا اہم پہلو ور گل بات کی گئی جن مانہ زمین لین واسطے طریقہ کار تے عمل درآمد گے دوران پیش آن آلی دقتا ور تفصیلی گل بات کی گئی واضع رہ جے اس ویلے ریل راستہ ور ٹریفک نانہ دو ریلوے لائن گے ذریعے سنبھالیو جاریو ہے تے اس اہم رستی ور بدھتا واں ریلوے ٹریفک نانہ دیکھتا مانہ وزارت ریلوے نے اک اضافی تیجی ریل پٹری واسطے جائیزو شروع کیو ہے۔

GST REFORMS

نوی نسل غا جی ایس ٹی بد لاؤ غے تحت حکومت نے کھلوناں تے کھیڈ گا سمان ور جی ایس ٹی غی شرح 12 فی صد توں کھٹ کرگے 5 فی صد کردتی ہے یوہ قدم صارفین تے صنعت کاراں نانہ ریلیف فراہم کرے گو تے بہار مانہ تیار کرن آلی کھلوناگی صنعت نانہ فروغ دیگو کٹ کی گئی جی ایس ٹی غی شرح بچاں مانہ صحت مند سرگرمیاں گی حوصلہ افزائی کرے گی جس سنگ زمینی سطح ور کھیڈاں گا بُتر نانہ باندے آن مانہ مدد ملے گی۔ اس اس تیں علاوہ کھٹ جی ایس ٹی غی شرح خاص طور لوہکی تے درمیانہ صنعتاں گا مقامی کھلوناں تے کھیڈ گا سامان بنان آلا اداراں نانہ بھارت ت بین العقوامی منڈیاں مانہ مقابلو کرن آلی صلاحیت حاصل کرن مانہ مدد ملے گی۔
